

**Zeitschrift:** L'ami du patois : trimestriel romand  
**Band:** 24 (1996)  
**Heft:** 94

**Artikel:** Le karant'an "d'Intré no"  
**Autor:** Oberson, J.  
**DOI:** <https://doi.org/10.5169/seals-243647>

#### Nutzungsbedingungen

Die ETH-Bibliothek ist die Anbieterin der digitalisierten Zeitschriften. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. Siehe Rechtliche Hinweise.

#### Conditions d'utilisation

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. Voir Informations légales.

#### Terms of use

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. See Legal notice.

**Download PDF:** 14.03.2025

**ETH-Bibliothek Zürich, E-Periodica, <https://www.e-periodica.ch>**



# Pages fribourgeoises

## LE KARANT'AN " d'INTRÈ NO "

Le demikro 15 dè mé, vèye de l'Achanchyon, l'Amikale di patèjan dè Friboua é di j'alintoua l'a fithå chè karant'an. On pou dre ke nouthra chochiyètå l'è ou bon dè chon tin è in bouna chindå.

No j'an keminthi pè na mècha tsantåye in patê, in latin è on bokon in franché, ou mothi dè Chinte Tréje a Friboua. Chi l'ofitho lè jeu botyatå pè le tsan dè "Nouthra Dona di Mårtsè".

Po chi l'okajyon no j'an betå chu pi on kà ke Konrad Bongå l'a akchèptå dè diridji, è pu, le kà dou "Club Alpin" dè Friboua no j'a bayi on fyé kou dè man. Din chon pridzo in franché, l'Irkourå l'a de di bounè parolè k'l'an fê piéji a l'athinbyåye.

Du la mècha, no no chîn ti rëtrovå ou kabarè dou "Jura" tinyè pè la famiye Bischofberger, yô "l'apéro" è la marinda chon j'ou chêrvi.

A "l'apéro", no j'an rè j'à le pyéji d'oure onkor'on kou le kà dou "Club Alpin", è mimamin on "quatuor" dè j'omo. Lè galé d'organijå na fitha chon tsê chu di balè vouê. Outre la véya, le kà di patèjan l'a rè tsantå kotyè konpojichyon d'intche-no. Sin chur, kemin din totè lè fithè l'y a j'à dutrè dichkour di j'invelè. Ma ôtyè k'no j'a rëdzcyi, l'è d'oure nouhrè dou préjid'an d'anà. Francis Brodå, din chon bi lingådzo, l'a rè-trachi la ya dè nouthra chochiyètå du cha fondachyon. Po cha på, Albè Bovigny no j'a gratifiyå don galé "poême" k'la konpojå po la chirkonchtanthe.

Nouthr'amikale l'è jou fondåye in 1956, pè na punya dè j'èmi patèjan. Luvi Refiu, le fe a Tobi di j'élyudzo, n'in dè jou le premi préjid'an. Mè chu le thintyimo, apri Francis Brodå, Dzojè Chèdou k'l'è mouå è Albè Bovigny k'm'a pachå lè lachè ou mi dè janvié.

No j'an ouna bal'aktivitå. No fan l'athinbyåye in janvié, on loto ou mi dè févrê, on "match" i kårtè ou mi d'avri, na marinda ou mi dè mé, on "pique-nique" ou mi dè jouin, na chayête outre



Intrè no

le tsôtin è na vêya dè patê l'outon. No van chyå i fithè dè patê in Remandi, in Franthe è in "Italie"

Din nouhra chochiyéta, no j'an dutrè mantinyâre è dou préjidan d'anà : Francis Brodå è Albè Bovigny ke kurtéyon le patê à chubré. No j'anachebin kotoyè minbro ke participon a ti lè konkour dè patê. Lè j'èmichyon dè patê, totè lè premirè demindzè dou mè, a Radiô-Friboua, chon betayè chu pi pè Albè Bovigny, d'ayeu lè li k'l'a betâ intrin, l'y a on pår dè j'an.

Ora, i vudré rëmarhyå, chin lè nomå, po nyon oubyå, ti hou k'chè chon dévouå po betâ chu pi è animå ha fitha. Ke ti lè patêjan ôchan le fu chakrâ po mantinyi nouthon bi lingådzo.

*Le Président : J. Oberson*



### **De la pâ dè Furboua**

Le komitè dou tyinton è lè préjidan di j'amikalè l'an tinyê chèanthe le 7 dè juin.

L'an aprê ke lè konto chon bin freji, ke bohyon chin balyi pochyin. Dyinachebin ke tsoulyi lè pâ on mô ke lè patêjan i trominton.

Din lè j'amikalè, tsakon betè la dràbya po tsèvanhyi le patê, le fere a tsantâ, betâ téâtre è komèdilyè chu pi, dzulyi ou loto, i kârtè chin oubyâ dè tsurlâ, dè kopâ, dè chindâ, dè tyâ che fô.

Chin ke fô chuto ratinyi, lè:

— le 6 d'oktôbre 96, dâta ratinyête po l'athinbyâye kantonale, ou Chin Dzâtyà dè Vuthérmin dèvan Remon.

*(le 6 octobre 96, assemblée cantonale des amis du patois, à l'Hôtel St-Jacques, Vuisternens-devant-Romont)*

— le konkour èkri ou betâ in bouithèta ke lè organijâ pê la Fédérachion remanda è di kontâ vejenè dè patêjan.